

程

清江貝先生詩集目錄

卷之一

五言古詩

雜詩七首

飲酒

十月既望鳳皇山晚歸

白水村

民部尚書曹德基出使三吳回紀其事

送金子厚歸杭

耕樂軒

戲贈李煥章

真真曲

烏龍井

九日遊鷹窠山

贈近元霖

泮池荷花

食糟蟛蜞

食糟蟛蜞



乙巳除夕

五雁圖

凌霄花

讀書堆

名都篇

對月懷邵箕谷

郊居

題誠道原瀟湘八景

出橫溪

遷居

夏夜

題尚北海聽雨軒

次韻張希載雨中書懷

丙午七夕

登積慶寺閣

蘭

懷夏士文

送潘時雍歸錢塘

辟亂

歸崇德西曹村

立秋日

丁未重午

荅客一首

仲冬秋涇客舍

春日宴滄洲詩一首

丁一鶴詩

題夏頤貞西疇草堂

題綠綺軒

皂林驛

遊仙詩三首

采芝生詩三首

卷之二

五言古詩

讀史五首

初夏郊居二首

晨興在艾山作

對酒懷邵文博擬東野一首

已酉歲初度日書懷

述懷

錢彥彬抄詩為賦一首

早春

赴召留別諸友

六月十五日夜坐明德堂一首

出都門一首寄張孟兼主事

辛亥初度偶成

獨酌

孤松

擬東野一首

題聽雪齋

楊貞婦王氏詩

題金德俊葵軒

擬出塞曲

送吳濬仲

題盛蒼崖雁

初冬一首

擬蘇州一首

送錢公擇還象山

夢遊澄林

送王公勉赴沁水教諭

和張惟中員外

秋懷

送黃仲篋上官樵李

次韻張師廣助教登雨花臺一首

題朱孟辯層巒圖

題上虞柳楸仲朝暉軒

雨中漫興

擬古

古意三首

送張思廣歸平陽

池河驛

題画竹

杏庭

晚眺

宿方丈敏東軒

分題送友得忠孝廟

大槍嶺

猛虎行

李氏三節婦行并序

述懷

卷之三

七言古詩

夢遊秦望山歌送客歸越中

雪蓬小朵歌送奎方舟還靈鷲

遊菩提山值雨宿存思菴

鳳皇山歌 京口王節婦歌

玉山窟偈歌 題子昂松樹障子歌

題王立本山水圖

甲辰七月十三日書所見

題趙仲穆画馬 送王好問赴春官

送浙省都事曹德輔運糧北上

送文從周入京師 鄧法師禱雨歌

張靜婉采蓮曲 出塞曲

野中吟 田家行

送李志剛 白茅歌

送天台吳蟾支主桐栢觀

題子昂秋林早行圖 題子昂秋江漁艇圖

小蓬壺歌 醉芙蓉歎

題趙處仁竹泉所 次韻鐵崖先生醉歌

用東坡先生韻賦竹軒

孫孝子歌 白苧詞

行路難

團扇

題倪雲林畫

折楊柳曲

題王叔明茅山圖

秋夜長

遠別離

白雪歌

董逃行

雨中

正月二十九日楊鳴崔席上分韻得幾字

丁一鶴以疾止酒詩以請之

穆陵行

送定南宗住四明大慈寺

卷之四

青蘿山房歌

題火龍烹茶圖

已酉清明

薤蕪吟

耕樂吟二首

遊史史兩山詩

海翁謠

重遊史山

題徐後初參政駘馬圖

吳山人詩

胡虔雪獵齋

過梧桐涇

雙節堂

郭忠恕出峽圖

送近士霖歸天台

送車定夫赴萊蕪簿

徐給事山水歌

精衛憤

秋露軒為馬木道賦

雁聲樓辭并引

桃源圖

鳳皇臺懷古

雲中烈婦行

題倪雲林水石

毛女辭二解

題山水四景

分教中都一首

桃核杯歌

題華山圖

贈乘槎客

李將軍歌

題董源寒林重汀圖

題子昂松石修篁圖

太行山謠送靳用中歸潞州

次韻荅王蘊德紀善雨中見寄

日苦短辭九章

題海山秋曉便面

孤松圖

卷之五

七言律詩

送襲封衍聖公孔希學還關里

送愚上人歸越中并柬奎方舟長老

觀海與鮑仲孚同賦送王克讓自外赴陝西

送戶部尚書貢泰甫開司陶中權益易米給

京師題徐大章白崔山居

三月晦日寄內弟陸熙之

寄潘特雍送翁鎮方歸天台

題雲溪耕隱題丁成之清樾軒

鄭憲卿省郎織毯松江還詩以送之

雲間見李克敏將歸吳陵作詩為別

賦小瀛洲題亭溪漁友宅

十月聞雷

靈鷲觀燈

謝買齊臣惠碧筵

題靜天鏡碧水春軒

送興福寺長老鎮靜菴

六月三日汎舟

七夕

十一月廿三日夜集次韻盧廷舉一首

剪韭軒

題王士亨看山處

元夕次韻鐵崖楊先生

二月十六日雨中遣興

清明日陪揚鐵崖飲城東門是日風雨

送凌彥冲歸杭

寄林林大

槐陰亭

即事

經故內

立夏日

題雲深處

題夏士文園亭

重午

瑞蓮

題淵明像

題松鶴山居圖

寄奎方舟俊用章二上人

白蓮

中秋

錢塘秋夕

奉寄崔伯恭左丞

無題

夜坐

立春日宴西清高士滄洲一曲

別呂德常

姑蘇

瑞梧詩

錢塘春日

遣興

宴夏士文漪瀾堂

嘉禾道中

支子

客居

題周伯昂水村圖

初冬口號

冬日漫興

正月二日偕邵箕谷過呂德常留飲

聞夏士文南歸喜而有作特先寄之

寄陳性天

奉和鐵崖先生水仙詩

觀潮

答馬文璧見寄

綠陰軒夏日書懷

風淫荷花

題劉商觀奕圖

答宇文仲美

已酉立春日

三月五日飲于性天所見牡丹有作

雨中書懷

過滄洲有感

讀胡笳曲

雨夜獨坐

秋思

紅菊

雨夜

至日

送素子林歸麋塘

雪中次韻陳仲謀

蔡梓庸至剪燭聽雨一首

卷之六

七言律詩

元夕

郊居

紅棊

蜀山圖

庚戌中秋

庚戌九日

寒夜憶梅擬西崑一首

歸安山一首
木芙蓉

次韻陳仲謀

次韻楊鳴雀

發音試筆

訪遠上人

再用韻富古道一首

送王熙易奉使安南

京師兩夜一首呈宋景濂學士王子充待制

張孟兼主事

丁一鶴病愈見寄然且戒酒次韻答之

送楊鳴鶴還鴻山

題材上人遐觀樓

雁山親舍詩

龍江道中

送韓伯時歸山陰

贈王廷威

奉寄一雁子材諸友泊古道明遠諸方外交

寄糜孝子

寓幽湖客舍

送朱顯道赴濠上

試院中和常景元

中秋試院和馬新仲一首

別僧覺原

癸丑元日

寄材大用言默菴暢明遠

臨平道中

寄一鶴道人

送谷克讓歸湖南侍親并東李中卿縣丞

望青溪白蓮為賦一首
送趙澤民歸越中

送江西僉憲趙宗典移守合州

送朱伯良赴隴西縣丞

送莫彥英赴賓州上林丞

送醫師張仁齋 贈龍虎山鄧子方鍊師

二月一日病中口號 送馬本道赴穎上

送楊九思赴廣西都尉經歷

新晴 送朱質夫赴寧遠知縣

梅泉處士虞長卿挽詩

送詹同文承旨還鄉 贈韓友中

和張思廣九日韻 鳳皇臺

秦淮對月 送呂元振婦四明

乙卯清明日飲劉志遠宅賦詩一首

次韻夏士文

分教中都一首 題王顯宗巡歷圖

次韻方文敏秋興五首 苦雨懷劉子憲

丙辰元日時在鳳陽趙穆仲諸友枉騎相遇

題洪大隱傳後 賦晚菊黃白二本

秋日漫興 次韻楊秉哲見寄

病中一首寄方文敏 早春寄黃仲真

鳳陽晚春 送馬伯溫之廣西

送王用中歸金陵 賦西山爽氣亭

送王以寧歸建德并東魯道原

方文敏惠二白瓶及新茶土鐵

聽松樓 留別陳敬夫

寄燕府錄事楊秉哲兼簡新民蘊德二紀善

題梅軒

洪武六年五月一日早朝一首

尖山隱居夏日

卷之七

五言律詩

臨平道中

夜坐

壬寅夏五月廿四日對雨

題暎雪齋

魏塘夜泊

過竹岡

橫港

靈鷲十景

人日

送王宗成歸越

冬夜

亭林漫興

守歲

寓翠岩菴

三月晦日

歸石門

晚眺

過王景脩

答郭宗夏

題盛子昭画

觀水

秋淫雨後二首

甲辰元旦

初度一首

寒食三首

五月十六夜獨坐

登雲間驛樓

青林道中

夜泊

重過亭林

懷語溪舊業

挽溪南處士

已酉元旦

暮春雜詩

遇妓

寺居

答楊鳴雀

遊安山

題紫微山嚴上人壁

雨中寄九龍山人

戊申九日

夜飲南山所用篋谷韻

寒夜

次韻篋谷千山夜泊

寄翰古清

舊宅

溪上

題山陰讀書處

澄林客居

排悶

次韻楊德中見寄

次韻楊鳴雀遊紫微山用章孝標韻

贈醫者徐仲純

送陳楚賓赴泗州學正

題蘇明遠畫

雪卧

題葉經歷水北山居

詠炭

題王白雲画

壬子至日過來青堂

病中次韻張思廣見寄

次韻管鄭州玄澤

送曹季材赴京師

題馬文璧画

戊午早秋漫興二首

卷之八

五言長律

書事二十韻

李子庚挽詩

黃灣述懷二十二韻

丁未除夕

對雨

述舊三十四韻

曉蒼山水小幅

卷之九

七言絕句

寄陳文舉四首

陳進善見過

別侯春燕

西湖竹枝

題空翠軒

擬香奩八詠

辛亥元夕

丙辰立春日大雪

題画

雨後偶書

對菊

勝南洲紅棊

贈小南枝

城南絕句

枯棘雙禽

東村漫興

立春後五日

題紅梅

別徐楚芳

聞箏

歸東郊偶成

過無錫

丹陽得風

夜發

清明日

道中見梅

贈陸文寶

次韻篔簹谷暮春三首

漫成

兒雲林小景

己酉重午

客艾山偶成

土橋

題杏花

三月廿五日夜口號

辛亥重午

澄林冬日

八仙花

春情

題松下丈人圖

題紅梅二首

題溪山春曉圖

題馬文辭畫

送成德琦兄北歸

宿王繼遠白雲半間

題雙陸士女

辛亥七夕五首

贈別

過永昌寺訪照覺原

西湖竹枝

題扇

早秋

山家

題凌波仙

墨梅

題徐雪州墨菊

題虞魯瞻山水

朱實送桂花

卷之十

賦

題東坡戴笠圖

題竹間桃花

崔賦

大韶賦

玉笙賦

錢硯賦

石經賦

白鳩賦

懷舊賦

不礙雲山樓賦

灌園賦

醉賦

春雨賦

金鑑錄賦

漢宮春
應天長
玲瓏四犯
八六子
漁家傲
風入松
風入松

瑞鷓鴣
玉蝴蝶
鎖窗寒
南浦
西江月
鳳樓梧
水龍吟


清江貝先生集目錄終

清江貝先生詩集卷之一

五言古詩

雜詩

我聞度朔山蟠桃何鬱一千歲纔一花結子復何日食
之云不死敷腴反枯質跨崔凌九天將期五龍匹諒非
廣成子欲待安可必
祖龍帝六合不暇談黃虞且復求神仙入海窺方壺置
酒阜卿亭超然忘故都空留赤玉鳥安期今有無
種桑飼春蚕桑葉何沃若種瓜待秋摘瓜蔓何漠一春
秋各有獲在野猶可樂君看金張館草深狐兔宅勿較
是與非看雲倚高閣



大哉龍門樹鬱，上參天根株豈不固。小草還相纏蔓，收行素秋。淒其風露寒，病葉危欲墮。翔禽亦已遷，朝華痛夕隕。掩淚復何言。

結束將何之，龍門訪陳迹。戒途及良辰，置酒別親戚。迨追越千里，人馬疲登陟。大江不可濟，天方限南北。悵然迴吾駕，去從山林適。

春山一雨過，百草皆縱橫。百草不出山，山中人遠行。懷金別妻子，殉祿辭父兄。寒暑忽已易，燕趙千里程。龍門能碎舟，風浪安可爭。性命輕鴻毛，苦為朝暮營。愧此山中草，萋萋林下生。

薛公未罷相，賓客競相傾。一朝偶失意，門無珠履聲。貴

賤已如此，何論死與生。秋燕辭空室，春蝶抱留英。盈虛信物理，聚散亦人情。達士甘寂寞，莫力耕謝華。纓道尊豈戀祿心，遠孰希名腐鼠。非吾餌朱鳳，以時鳴悠悠。然動寤想五鼎，益為輕。

真曲

姚文公為承旨時，一日玉堂燕集，聲伎畢奏，有真者，操南音，公疑而問之，泣對曰：妾建寧人，西山之苗裔也。父司筦庫于濟寧，坐盜用縣官財，賣妾以償，遂流落倡家。公憫之，遣使白丞相三寶，奴為落籍，且謂翰林屬官王棣白汝無妻，以此姬配汝，吾即其父也。貲裝

皆出於公棟字棟華後官至翰林待制噫以
西山之賢子孫陵遲疑不至於此然辱於始
而正於終是亦天也質谷華談記其事予乃
賦四十二韻而沈鬱悽婉亦足以盡其大畧
矣

斷絲棄道邊何日緣長松墮羽別炎洲不復巢梧桐請
君且勿飲聽我歌慎懷在昔全盛時冠蓋紛相從盤游
易水上意氣天山雄金刀手割鮮酒給葡萄濃坐有一
枝春秀色不可雙娉婷劉碧玉綽約商玲瓏寶髻金雀
釵已覺燕趙空或聞操南音未解歌北風上客驚且疑
姓字初未通問之慙復泣乃起陳始終妾本建寧女遠

出西山翁父母生妾時謂是金世童梨花鎖院落燕子
窺簾櫳迺官朔方南歸山水重侵貸國有刑桎梏加
父躬粥女以自贖白壁淪泥中秋娘教歌舞聲價傾新
豐永為倡家婦遂屬梨園工覽鏡拂新翠吹簫和小紅
身居十二樓屢入明光宮京華多少年門外嘶青驄自
傷妾薄命失路隨秋蓬不如孟光醜猶得嫁梁鴻客聞
為三嘆祖德寧未崇回黃忽變綠人事何匆匆有客傷
緹縈無人憐蔡邕遣使白丞相削籍歸舊宗小史三十
餘勿恨相如窮配汝執箕帚今夕看乘龍鴛鴦並玉樹
鸚鵡開金籠銀甲不復整紅牙不復從提甕自汲水締
絡亦御冬應非事羊侃頗類婦建封琵琶感商婦老夫

猶西東崔徽怨顛顛浪寫丹青容依、章臺柳落絮春
無蹤小妾恨題驛竟與瓊奴同時多困坎珂事或欣遭
逢焉知百尺井歛登羣玉峰借問為者誰內相姚文公

飲酒

六龍驟朝暮百川無西迴所以陶阮輩落魄事酒杯共
畫生者樂勿為死者哀借問東方朔桃花今幾開秦皇
及漢武求仙亦荒哉弱水三萬里何處登蓬萊與君且
一通隨意坐蒼苔

坐看萬古月因思萬古人萬古人不見萬古月長新持
酒勸我影可以成主賓利劍不斷愁大藥胡能神南阮
與此阮一富後一貧白骨俱化土碧草空自春酒盡月

欲落狂歌驚四隣

烏龍井

曾飲烏龍泉為愛烏龍井不辭登降勞迨、越南嶺石
散駝馬羣樹結龍蛇瘦遂坐泉上亭聊以觀我影歲久
科斗滅朝寒輓轡靜徘徊不惡去勝處心已領有約待
春深携客來煮茗

十月既望鳳皇山晚歸

村黑畏衝虎且復歸柴門風林月未出宿鳥爭且喧浮
雲忽斷續萬丈飛金盃湛、天宇高光氣相吐吞我行
月還逐是身亦無根試求不死藥飛騰同久存老妻有
斗酒洗盞當前軒酌酒消我憂萬事俱忘言

白水村

朝發白水村風帆健如馬行人互先後去鳥紛上下白
雲生遠岑青天入平野依稀林木外幡幢見精舍河邊
四五家猶是雞豚社我遊亦已屢把酒心莫寫欲訪桃
花源悠悠愧漁者

九日遊鷹窠山

忽已九日出門淨無泥地偏寔斗絕有山如會稽賓
客後雜還僕夫各有携天風海上來我馬驕且嘶坡陀
出險徑窈窕遵迴溪前登鄰家嶺始覺華蓋低作者四
五人更託千層樓日午扣其戶不愁蒼耳迷欲俛棲鶴
巢上陵萬丈梯豈但畏猛虎彷彿聞天雞共燕脩竹林

落日猶在西相看且一笑四郊多鼓鼙

兩河兵興京師乏食民部尚書曹公德基出使
三吳因紀其事

東南寔天府歲漕三百萬龍城積紅腐虎士班白粲焉
知十五年不解戎馬亂采稻以為食屯集成背叛至今
兩河地僵屍作京觀諸侯土貢絕君憂切宵旰尚書出
宣旨跋涉非所憚國無九年蓄志士常切歎空山獨病
臥無書託飛翰中宵望使星迢迢阻河漢

送金子厚歸杭

故人金子厚四十猶落魄扁舟泝江濤訪我黃山脚我
慚老窮經春蚕空自縛羨君神仙姿翩翩九臯雀不上

光範書暫賣壺公藥高視萬物表道尊鄉相薄山中十日留窮天慰離索聯詩出險語酌酒成大噓東風碎河水歸思中夜作鵝黃催柳條椒紅折梅萼重來未有期惜別中頗惡俱宜慎出處一瓢寧改樂飛鴻正南來有書幸相託

贈近元霖

近生固長貧賦詩朝忍飢破裘連百結但覺詩愈奇鏘然擊天球未作秋蛩悲嗚呼識者死舉國無人知鼓柁洞庭湖遠過三高祠我無一斗酒為生開兩眉宇宙非不大四顧將安之日落暮山里百鳥爭寒枝翩翩五色鳳寂莫雙翅垂聖人坐明光遲汝一來儀

耕樂軒

隱者東海頭安時事耕鑿有田百畝餘相率治境墉我稼沒牛腹我書掛牛角三洲雷雨均既耕必有穫吹簫賽田租操豚不為薄上給縣官租酣歌見真樂江南風景異况乃賦歛數連雲桑柘盡池臺摠零落尚恐兵未休遠近無上著全生虎豹羣豈忍厭藜藿

泮池荷花

荷生泮池中雲覆明鏡密清颺激回芳濁水鍾妙質凝碧洗朝雨媽紅酣落日折莖或牽絲食蕙時摘實猶疑南浦泛諒匪東林匹

戲贈李煥章

善博不成臬善射不中鹄及此感衰謝世道方局促皎皎明月珠如何混魚目

食糟蚘蚘

江鄉富魚錯有物小而饒天晴走白沙月暗來滄海空憐翔客疑尚被南翁採刀斧不足膏瓶罌遂俱逮失身酒泉流舉族糟丘醢對此哀汝生食之豈其罪

乙巳除夕

春風何處來庭草忽已碧不惜流年馳感此千里客管葛樹功名孔顏豐道德低回違宿願覽鏡雙鬢白高堂夜張筵新酒行琥珀得失誰與論浩歌永今夕

題尚北海聽雨軒

海門飛雨集高棟有餘清斜侵虛壁過遠逗大江平簷花朝亂滴庭葉夜俱鳴涼知蘇道唱潤喜濯園英微茫空暝色蕭瑟自繁聲飛蓋阻來客獨坐軫深情

携李郭宗夏兄弟五人友愛尤篤後值兵變東西散處宗夏思之為作五雁圖賦詩一首

五雁何翩翩飲啄同清池失路在中道飢寒不相知昔為八龍聚今作四鳥離鴛鴦廣漠至十月百草衰天高羽翮短苦受胡鷹欺上林豈不廣念汝婦何時管蔡興流言坐使君臣疑京城死大叔寤生手刃之淮南歌尺布千歲有餘悲東阿苦不容七步詠然箕骨肉成虎狼所爭毫與釐我觀五雁圖為繼鵲鴿詩

次韻張希載雨中書懷

夏雨盈百川高岸復深谷鱗、低度雲、洄、駛流瀑口
營歎翔鶴臆許哀病鵠征夫在中道少妾亂心曲更希
若木光照此車下獨

凌霄花

大椿何亭亭、相傳五百載陵苕亦揚芳灼、藉光彩感
彼徑寸苗附此千尺喬同心無異族假翼在崇朝朱榮
白日翠蕤牽清颺纏綿欣有託淖洵靜無妖坐愁節
序易顏色易俱凋

丙午七夕

生寡縻祿情不復就羈絏曝衣記蚤秋置酒陶嘉節曲

無二八舞味薦水羞潔輕純怯迅颺明燭欺初月林鳥
戾且飛玄蟬淒更咽主賓聊晤語兒女空感別耿、候
雙星漏終河漢沒

芳燕樂清夜浩歌悲暮年故國山河迥殊方在堠連友
于成契闊賓客暫周旋念曠情易洽懷歸思更綿列星
稀未出金波澹始弦落燼秉殘蠟繁吹起終筵後會後
經歲舉爵共無眠

讀書堆

泊舟亭林湖突兀空王宮當時讀書處鳥雀呼秋風前
瞻兩金山抃舞波濤中眷茲一篲力克配千仞崇恐有
文字藏中夜飛白虹荒哉夢中語且復誑兒童我亦有

書癖五經老未通草堂可遂結當作兩希馮

登積慶寺閣

層構何巍哉金碧中突兀俯見百里外山斷平野闊青
天傾東南伯氣忽已滅憶作皇慶初六合既同轍眷茲
葭茨中鬼工成觀闕我未屬喪亂彷彿大業末奔竄雖
云苦登眺亦頗悅居庸不可見太華纔一髮故鄉今何
如路險復霜雪蒼白日晚目送歸鳥沒

名都篇

趙魏天下樞相送多貴游起家至千石結客傾五侯光
輝喧戚里意氣動神州蹋鞠東城罷張筵西第留倒海
為我飲無山為我羞妙舞呈楚艷清歌列齊優共稱齊

三壽惟願樂千秋福盈知所戒寵極懼生尤

蘭

叢蘭何青青羅生滿中澤阿邨風葉翻歲蕤露房折芳
潔終自持光榮諒誰飾勿為時所化歲晚同荆棘

對月懷邵箕谷

携酒東園遊望舒已就缺促席尊未空方舟君夜發東
西耿相望復對三五月階前皓彩盈窻下朱榮歌同袍
成異縣思逐回風結異縣非千里邈若胡與越吳趨唱
誰和楚調哀自輟感此百年客世故恒羈絏榮華一朝
露采秀亦可悅歸濯清江流冥棲保芳潔

懷夏士文

樓舡昔西邁霜降百草衰日月一何道子行忽經時衆
綠榮枯條各鳥鳴且悲豺虎塞道路鬱鬱勞我思我思
晨後夜諒匪渴與飢行人發吳門消息安可知且復慰
其私豈敢言是非惜哉無六翻念子何當歸雲中有黃
鵠會啣東南飛

郊居

直木惡為輪疲馬思卷旆匡時既非才處約斯寡悔采
詩鑒興止讀易明進退永懷嵇阮放甘與沮溺對

送潘特雍歸錢唐

海縣兵未息公子今何之酌君蒲萄酒聽我白苧詞憶
昔來黃灣始為桐子師諸生老伏勝說客慚張儀連床

風雨夕秉燭聽新詩殷々金石聲真足解我頤同居石

壁下斗柄脩三移脫略勢利交所貴兩不疑久懷地主

思亦有尊鱸思束書向錢唐磬折從此辭錢唐寔都會

西湖天下奇朱樓起相對上有千蛾眉羽衣何翩翩處

子冰雪肌樓前五陵兒並馬金鞭垂酒酣復張樂但惜

白日馳近者屬凋喪不及全盛時空山鳳皇去月黑號

狐狸春風吹行殿碧草生荒基何當從子游觀濤酌鷓

夷辛苦草太玄徒為廡蘭嗤子實濟時具飛騰方在茲

匠石既已遇小大隨所施從容宰相前奮舌論安危豈

無一尺筮盜賊不足管天空羽毛急水涸舟楫遲臨岐

更揮淚中年傷別離

題誠道原瀟湘八景

瀟湘夜雨

江空夜如何急雨千里洒水生黃陵廟雲暗蒼梧野鼓瑟來湘靈移舟近漁者重華不可見竹上淚如寫

洞庭秋月

軒轅已上天弓劍人間留唯餘萬古月長照洞庭秋君山雲氣滅水合天光流勿遣金蝦蟆脫歸千丈湫

漁村夕照

羲和忽西匿阡陌散餘輝澄江度雙翼遙岑明半規孤煙野店起歸人一何遲遺榮羨父老衰白無所悲

江天暮雪

魯雲起北渚萬象入鴻濛散漫飛輕雪低回逐勁風思羣無牧馬失侶有征鴻泛泛獨垂釣扁舟黃髮翁

平沙落雁

羣雁來衡陽亦如萬里客日暮空徘徊欲去飢無食魚葭暗汀洲驚颿吹倦翼上林濱春歸寧為羅網得

山市晴嵐

山光洗新黛好雨不崇朝日遲蒙薄霧天近靄微霄茅茨猶隱約金翠鬱岩堯前峰恐無路有客度危橋

遠浦歸帆

楚客發天際揚帆入三湘回首青山遠忽已過沅陽晚樹何歷々歸思浩茫々永愧波上鷗漁父共相忘

煙寺晚鐘

清鐘象蒲牢夜觸海底鯨海鯨豈有意蒲牢本無聲二
物偶相值坐使百里驚高僧定初起月上空山明

丙午冬十一月辟亂亭林明年春館于揚溪邵
箕谷氏四月一日鄉兵復大起合境之人鳥驚
磨窳不知所屆余亦去而從之既定而返因寫
懷云

茫茫新戰場白草迷四顧烽火連石門我歸亦無路窮
魚父在輒驚鵲空繞樹故園今何如猶思讀書處近聞
遭殺戮豈復有親故安得附晨風從之西南去

出璜溪

白首事章句不登金馬門空名苦為累遂枉三聘煩一
瓢雖屢空五鼎非所存願偕田父游卜宅溪南村霜寒
收柿栗日暮收鷄豚去矣從本性得與巢許論

歸崇德西曹村

田翁驩我歸假我茅堂居石橋跨流水夏木友四隅風
蟬聒旦暮亦有安巢鳥覽之為欣然息駕歌唐虞寄我
六合內何地非其廬荒哉百年客千金營一區

遷居

我貧無定居一歲三四遷破廬僅蔽席於生已為寬南
隣盛車馬北里矜綺紈高樓出雲雨一一居神仙何異
玉臺秀四時遊且盤念力守窮棲去、非所安

五秋日

葉落天始秋一氣自回薄
鬱蒸變淒厲衰老獨先覺
行雲翳白日向夕風雨作
所欣因一漑流水百道落
園葵遂含滋可以供我酌
白髮西隣叟相遇慰漂泊
貽我酒兩鴟對之中頗作
高歌盡君觴泛人誚徐邈

夏夜

憚暑夕屢興飛虫亦紛拂
玉宇曠無隣星河阻靈正
春茲朱火中悼彼青陽失
舊知傷已逝新歡邈難即
虫氣如焚惕心為怵懼先
霜雪交易變蒲柳質彷徨
不能寢坐候東方日

丁未重午

世亂無安宅盡室久在路
山烟始一鳴海燕時雙去
已歎朱戶非不見龍舟渡
采葉詎能壽酌酒聊自豫
四時倏相代百歲因為寓
日長坐風簷更讀離騷賦

答客一首

竊祿非本性適彼南山阿
藜藿日不充慷慨獨高歌
有客向我言與世同其波
商君震七國季子傾三河
區守章句白首成蹉跎念
之為三歎所樂良已多潛
魚駭鉤餌飛鳥愁網羅結
駟非不榮違已當如何

題絳綺軒

來絲操白雪白雀舞婆娑
猶聞廣陵散不廢慎懷歌
風來茂苑樹月落洞庭波
不見古人久焉知古意多

仲冬秋淫客舍

水涸天始寒，爽氣薄絺綌。空林無榮木，卉鹵草俱白。紛
紛各有營，驅馬不得息。嗟予亦何者，慘慘長路側。飢寒
恒累之，豈不厭所歷。北風來廣漠，徒御皆失色。踟躕但
四顧，白日忽西匿。山川莽悠悠，沿洄良未極。索羣中野
獸，逐侶南去翼。誰能獨無情，歸哉山中宅。

皂林驛

朝發白水村，夕次皂林驛。水腥無飲馬，林黑有歸翮。昔
時兵交地，白骨如山積。萬灶今已夷，風亭煥新飾。居人
尚星散，父老悲故迹。團團閩山月，夜逐南征客。

春日宴滄洲詩一首并引

歲在著雍，涖灘春三月一日。筠谷高士合賓
客，序兄弟飲于滄洲。一曲平池，湧翠高閣。延
青圓景中天，繁陰回合。微飈遠激，幽芳襲人。
清醪在壺，嘉肴既旅。微蟋蟀之刺儉，美伐木
之求友。終宴忘疲，遷坐復酌。鳴葭間發，協朱
鳳之相和。舞袖雙回，翩驚鴻之欲舉。嗚呼蘭
亭金谷，會豈能常。滄海流沙，兵猶未息。懟神
仙之無驗，宜曠達以為高。用綴新篇，以紀雅

集詩曰

天闊無留雲，山明洗新黛。過從屬休假，置酒滄洲會。柔
萋綠堪藉，雜英紅尚在。累觴既不辭，秉燭還相對。清彈

促哀響祕舞呈脩態蘭亭今已矣金谷徒增慨大化會
有終四時寧復貸厭、夜無歸從人譏倒載

遊仙詩三首

魏、閬風臺層構切青霄一氣存太始三神建高標天
風翼芝蓋仙曲和簫韶左携赤斧游右御山圖朝上帝
領其頤元君目相招富貴一脫屣於焉恣長謔
寸田何茫茫其廣周九野超然凌崑崙銀河夜西瀉高
厲風塵表日月乃在下神官後鬼工樓觀丹青假勾陳
與玄武衛此神明舍麻姑別千霜豈是得道者不見海
三枯白髮徒盈把
景風扇玄圃漠、瓊花開手弄天上月夜宴九成臺盤

行五色芝酌以紫霞杯黃屋豈為貴秦政亦荒哉浩然
中獨存萬象方胚胎紛、夢玄駒生死益堪哀

丁一崔詩

大道日已蕪游談紛瑣、韓非不得死商鞅終梯禍偉
哉高世士結屋青山左年來頗得道已覺初心果朝漱
玉池津夜存金鼎火御氣超六虛萬物真螺羸

采芝生詩三首

功名不可恃利祿恒為愆舉世紛螳集伊人倏鴻騫十
年不出戶上友綺與園金芝敷九葩煌、生石間朝陽
晞宿露光輝一何鮮采之脩服食度世希神仙永謝城
市人振衣百尺巔黃虞悵已遠肆志獨超然

采、後采、相與登高丘可以充我虛五鼎何足侔茂
陵豈識道且從方士游徒聞甘泉產更入蓬萊求白日
忽已暮悲風來素秋未若幽居子不懷四海憂清節尚
巢父素心追許由
負版行欲僵飛蠅死猶集赴燭夜蛾焚好酒猩、泣所
以思遠託道路方險澁寧希百金賞豈慕千戶邑永言
送我求鶴鶴惟一粒有材寔為累無欲安所入韓彭苦
不悟羞同匹夫執商山今寂寥高風邈難及

題夏頤貞西疇草堂

九山惟鳳皇突兀尊中直山勢忽平野四水東南流海
潮日夜至新沙成故洲愛此斗絕境遂與長沮游蒺藜

苦滿道相率開西疇俗類桃花源無曆知春秋風寒未
黍熟雨多桑柘稠土芝頗益氣玉延亦可羞過注有耆
老請謁無王侯四時共相保千歲非所憂如何萬里客
日暮行未休騎虎不得下短衣歸飯牛

清江貝先生詩集卷之二

五言古詩

讀史五首

吾憐閔仲叔始辟懷喜懼及其見司徒喜懼亦皆去勞
苦非所堪虛名豈相誤用舍何必言投効時已暮
周爨久不仕身屈名四馳玄纒一旦至舉族更勸之安
知脩道者出處亦有時慨然中途返獨守東岡陂
東漢多逸民山棲久懷璧法真亦逃名詎屑三公職求
蟬在明火求士當務德此道今何如其人安可識
樊英抗高節萬乘不能屈設壇為見之豈若壺山逸光
祿位已崇匡時竟無術遂興張楷譏尚待黃瓊出

五侯濁四海白日淪光輝處士切憂國空言相是非
郭泰不絕俗申屠能見幾朱鳳翔千仞百世令人希

己酉歲初度日書懷

余生若小草望成百尺材強因客土植苦被秋風摧
徒慙五十過况經元二灾白髮不可變青陽忽已回
未忘藥裹好幾見桃花開殘編掩黃石虛室生蒼苔
故人且共棄王孫誰復哀終歸葛洪井詎上鳳皇臺
衰榮置勿論待月酌金罍

初夏郊居二首

強學不知老索居恒鮮歡誓將從余好山河阻且綿
淒淒風雨交四月秋浦寒夕寢不能旦日高猶未食
念之

安所尤通塞固有偏庶無外患及力稼或逢年

仲夏桑扈鳴氣清天愈高新田已當泊南風翼良苗
田翁起相戒庶務東作勞豐年諒可必勿為蔓草交
嗟余

失路久竟負伊人招屢空亦宜然何日耕東臯

久客始歸寓井西舊宅述懷一首

在路日思歸已倦風水艱前經石門店喜見西南山
憶我初去鄉忽三十年兒童盡成老比隣無後存阡陌
迷東西甲第空毀垣秋風落古木方池榮夏蓮倏忽驚
世換豈獨遇神仙蕭蕭井西宅白晝唯高眠所欣無維
執貧賤何足歎

晨興在艾山作

夜雨四簷絕坐待扶桑暎天高無餘滓初景方晏温黃
鸞萃霜木白雁來寒門所欣居處幽已忘趨走煩時枉
道人過或逢田父言傷哉亂離後衣冠今孰存賦歎日
已亟何地為桃源結茅向絕境牧豕學公孫

錢彥彬抄詩為賦一首

好古思古人古詩朝暮讀澹泊玄酒味和平綠琴曲古
人今白骨古意不諧俗已歎知者稀古淚空滿掬錢起
亦敦古其人美如玉昨者忽相遇大雪山中宿不知破
硯冰抄詩夜然燭諒非鮑謝才可繼曹劉躅聽之詎能
歡舊業且當束

對酒懷邵文博擬東野一首

今日忽不樂綠酒徒盈樽酌酒云解愁生如有根安
得二三子促席相與言尚思滄洲地十月花更繁雪隨
雀蓋合雪避貂裘温終筵復秉燭歌吹高堂喧盈二
八女白苧雀翎翻日落猶未歸清夜宿西園到今題詩
處素壁龍蛇昏荆揚忽雲擾海內俱星奔新腸臨濠謫
回首穎上屯昔如鷹脫鞬竟作駒在轅淒涼城南路甲
第今空存瀟湘窻下流三神鎖朱門江險隔秋夢山寒
啼夜魂詎忘白璧贈更戀綈袍思索居悵無匹落葉滿
孤村

早春

山寒花尚遲雪霽江已綠懷新感游子吟節喧衆族且

同尊俎樂幸免章綬束更擬登前峰青郊可遊日

擬出塞曲

翩_々荆揚士結束赴幽州將軍豈樂戰匈奴為我仇已
通大月氏更取烏珠留驅馬白狼北洗兵青海頭歸來
飲高廟庶雪平城羞
早從漢捕虜萬里唯一身軍中已三年苦樂安可陳但
見隴底雪不識隴頭春北風利刀劍肌膚皆盡斃天王
正開邊詎恆中國民

赴台留別諸友

用世非拙迂白首在山林詩書况久輟禮樂非所任王
事忽相縻遂令違我心迢迢適西道惻惻辭東岑中田

澤雉唯古木鶴鷓吟所親亦胡越耿々辰與參愁來一
回首涕下徒霑襟終當返田里灌園希漢陰

送吳濬仲

弱冠知君名王十始逢君南宮託同宿十日披清文及
我備修纂缺近幽蘭芬茲言歸故鄉告別邨忍聞姓々
中林鹿猶能念其群况我同心友去住從此分夜度浙
江水朝看天姥雲春禽正喋々夏木方欣々安得遂同
載歸偶沮溺耘

六月十五日夜坐明德堂一首

大火直初昏回飈薦微爽行遵曲池靜坐蔭葦構傲天
高積陰散水明圓魄上翩々去鳥迅唧々砌虫响胡為

京國滯屢乖林壑賞吳中有尊鱸吾當理歸鞅

出都門一首寄張孟無主事

日落宿都門鷄鳴發淳化城南夜來雨連山色如赭青
松夾高崗烟火通旅舍到家須十日畚田熟秋稼如何
山巨源未知嵇叔夜野雀終去人疲牛豈勝駕寄書謝
所親吾今老林下

辛亥初度日偶成

吾生本如寄有酒還自酣豈待三宜休已知七不堪陶
泓且當傳孔方安可談觸網笑神龜束身悲老蚕倘能
滋茲去卜宅南山南

題盛蒼崖雁

八月鴻雁來往彼天南陬前飛倦已息後至飢相求日
落洞庭晚風高彭蠡秋彭蠡多蘆葭遠近彌汀洲恒恐
羽毛損稻梁非所謀寒門阻冰雪異鄉安可留徘徊念
其族天外復千傳身今萬里客肉非九鼎羞慎為弋者
獲遠寄征人愁願以海為池上同朱鳳游飲啄令微軀
不愧波上鷗

獨酌

行年已六九髮脫身漸羸不及桃李花遽成蒲柳衰貴
賤必同盡造化寧吾私徒聞王子喬何處求安期區區
營丹砂貪生無乃欺今朝欣無事酒熟當自持

初冬一首

一氣變昏旦洞房風露淒田禽亦已化秋蘭因茲藜藿為
客久成老懷人殊未夷慘白日暮迨歸路迷世長
不獲聘天遠何由稽永思讀書臺言采山中美

孤松

青松類貧士落落惟霜皮已羞三春豔幸存千歲姿
蟄穴其根烏鵲巢其枝時蒙過客賞但感愚夫嗤回颺
振空至百卉落無遺蒼然上參天乃見青松奇荀非厄
冰雪貞脆安可知

壬子秋七月一日與郭文伯飲于朱弘道竹所

是日大雨擬蘇州一首

殘暑尚為厲客坐三四遷青山一雨過虛室夜翛然欣

與公子酌語契中頗宣雖無絲與竹庶罄賓主懽所貴
相知深豈惟懷一餐尊浮玉粒膩炬折金葩圓厭詠
露斯會面良已艱天明即鴻燕西望獨悵

擬東野一首

破屋夜通月霜氣刀稜病骨不受寒卒歲仍無繒殘
燈吐復翳僵臥如凍蠅事業慚蒸沙文章空樓水已失
國士意頗為年少陵長歌獨慷慨坐候東方升

送錢公擇還象山

金陵一杯酒送子歸海隅五月南風正荷花滿鏡湖登
堂酌春酒上奉雙親娛但惜千里別莫贈鮫人珠雖同
天地間一旦異越殊皎渥注子翩丹穴雛悵然不

得從遠望白雲孤

題聰雪齋擬孟郊一首

霆轟急雨瀉石闕衝波盪百族巧鳴春絡緯催秋紡詎
知空山夜聽雪乃真賞病骨僵如蠅殘燈掩虛幌積玉
呈幻質潛韶泄微響一氣變鴻濛五音歸惚恍神清已
無夢理悟寧有象苦寒不可禁更被王恭斃

夢游澄林

我夢游澄林方舟坐垂釣一水窮縈迴三峰隱奔隋娟
娟碧篠合灼灼朱葩耀殘雨趁回風斷雲通迤照林昏
野老炊溪動寒女漂平生愛桃源何年陟負嶠永慚白
髮滿起應

金門詔猶思洗藥處空歌採菱調一宿已興讖九龍那
免諂覺來復京華語兒成一笑

楊貞婦王氏詩并引

天台金沙里女王靜安年十七歸同邑楊伯
瑞伯瑞為樞密院總事官未幾死于兵靜安
守節不嫁權貴爭求之至斷髮至自剄不殊
余讀其傳而悲之為賦四章以明其始終云

石上有琅玕孤生何猗猗婉彼深閨秀笑語間且儀榮
華諒未晚芳潔當自持玉鏡一朝委相求豈無媒冰泮
時當歸遙峰翠新拂行別父母遂居君子室君子官
已崇新歡鼓琴瑟如何事前驅中道永相失東家有宋

玉西家有王昌皆知慕明艷詎忍隳太網露多焉能污
江永不可方貞心耀白日峻節厲秋霜泣淚欲成河捐
軀遂如墓寧同陌上花誓比山頭樹織綺獻秋功條桑
事春務向非厄疆暴豈知金石固

送王公勉赴沁水教諭

清高隕一葉白下未知秋倦鳥息高蔭潛魚依弱流君
子方北首山河阻且脩歲久衣盡緇驅車良未休我無
双明璫何以結網繆悵馬隔千里白雲空悠悠

題金德俊葵軒

結廬在林屋所欣知者稀南風應蕤賓我圃日芳菲負
杖觀其生草多露滿衣有葵獨傾陽豈願回清輝清輝

雖不照物性諒無違

禮部員外張惟中七月十二日暮歸賦詩八韻

和者自尚書牛公以下凡若干人夫漢謠魏體
互有不同巧於狀物者遇麗切於言志者怕直
惟中退食之頃率尔成章且不以私而忘公情
與景俱至已予因續衆作之後瓦器不足以諧
空桑也

秋至星火流病覺中歲劇成均忝系教才非一狐腋日
入欣暫休野老或爭席清談雜虛無以永風月夕百年
會有盡富貴非所適鳴虫亦知候倦鳥思假息脫冠已
童然如何拘百後酒醉不復言道固存目擊

秋懷

露下百草變淒，天地秋亦如。中年客玉顏，安可留山
鳴迅商激水，涸行潦收。恩方改團扇，意復存弊裘。梧桐
葉盡脫，孤雛夜啾。光景忽已逝，感之双涕流。
黃雀日千里，潛魚必深池。蠢茲橋中木，化蝶俄天飛。翩
翩苦不已，倏忽膠蠶絲。兩翅既摧折，何日回枯枝。非才
慎所處，富貴亦何為。且盡一杯酒，物我共忘機。

題西竹

太史公紀渭川千畝竹，此圖僅盈尺而遠意
不翅千畝，觀其毫枝髮葉，歷歷可見於秋烟
暮雨外。筆法視古亦精，已寓目久之，遂起余

兩山之興，徑欲買舟歸臥其所。云賦詩一首
市朝非素心，林壑契玄賞。讀書甘寂寞，密竹更蕭爽。衝
人虎豹經，閉戶蟪蛄網。寒梢打不蠹，野笋苞初長。風生
回窠夢，月出聞猿響。如何猶戀祿，厖馬存病顛。相期結
二仲，茲焉共來徃。

送黃仲篋上官樞李

嚴霜戒秋杪，百草俱已衰。子別何匆，一尊聊共持。今
晨白門道，後夜滄海湄。長歌獨慷慨，健步何逶迤。古來
聲利場，日出銜火馳。進非才不任，退亦分所宜。吹竽我
豈濫，售璞人皆嗤。峻節當自厲，坦途方在茲。送容有新
語，千里樹相思。

次韻張師廣助教登雨花臺一首

行出城南登高望三丘雉堞壯天居宮殿若雲浮
星斗牛野水合江漢流蒼然淮上山聚米當馬頭氣已
無翔漠人今冠中州慷慨憶當時遠近開朱樓仙人翠
羽帳王母珊瑚鈎貂蟬霽七貴車馬送五侯光輝互照
耀意氣何綢繆
皇威復禹跡風氣移荒陬千屯夫虎士萬斛回龍舟將
軍衛霍功相國房杜謀我來覽奇觀發興屬清秋已將
函谷並遂與洛陽侔所悲迫衰謝蒙記安可留目送桃
葉遠水深息雁洲清談晒諸老匡時忘遠猶庶窮八極
曠惻此千里游

題朱孟辯層巒圖

疊嶂何崔嵬遠近皆可數不學王宰遲棄墨如棄土林
藏風雨黑石戴冰雪古初疑造化鍾已覺精靈聚遙思
兩山下流泉細通圃茅屋今何如人去苔生戶

送盛孔昭赴淄川丞二首

天寒北風利有客赴臨淄臨淄古大國山川何逶迤小
白相夷吾尊周攘四夷田單守即墨一日走燕師二子
不復見名今千載垂為我吊精魄伯功未可卑
魏有徑寸珠守境無檀子照車十二乘何如照千里世
乏威王賢孰知天下士所以飯牛兒商歌中夜起徒求
南海產半觸蛟龍死異才何代無糾紛今可理

題上虞柳機仲朝暉軒

日車上博桑瞳、雞子黃遙夜忽復旦仰瞻有啓明征
夫起當發宿鳥號且翔城郭互參差曲戶通天光空照
堂中人豈銷髮上霜竹枝自垂蔭萱草亦揚芳此心諒
已短此思一何長欲報固無極念之安可忘

雨中漫興

端居少賓客鳥跡偏堦除夏雨復兼旬衆木青扶疎金
石何必陳此樂當何如永懷漆園吏相去千載餘萬物
雖一體忽若胡越殊人苟不知我、豈能知魚

臨川饒孟持所居西軒有先大父所植杏一株
今百年矣幸不剪於兵火因築亭于旁名杏庭

云宋景濂作賦子賦詩一首

結構非壯麗可以樂晨昏仰蔭百年樹深蟠千歲根
粲朱葩敷離、青子繁秀出風烟表潤含雨露痕戎馬
方縱橫境內悉崩奔桃李推為薪荆棘駭高門榮華諒
難恃尚見文獻存未擬匡山田詎論曲江園讀書絃素
琴命客置芳尊永言益封植祖德慎無諼

擬古

荆山一何高上與天門通猶聞產玉處吐氣成白虹
縣藜混燕石在已無國工琢之懼不完不如在石中
下和恥再削玉亦悲無窮吾今死抱璞庶以全其躬

晚眺

極目登高丘，秋高淮泗平。淮泗東南流，故繞鍾離城。東
京昔喪亂，英雄紛戰爭。殺人及鷄犬，曠野寂無聲。悠悠
千載下，復見新人耕。魏公今何在，銅臺春草生。公路冢
中骨，豈憂王室傾。北海因為豪，平原安可輕。時或有屈
信，漢道再昌明。

古意三首

春風天上来，蒲城紅與紫。如何朝暮間，飄落隨流水。堂
前兩冬青，霜雪猶不死。向來三月時，誰言及桃李。
對酒發長歌，長苦難續。浮雲空自行，白日安可逐。黃
河走東海，千里纔一曲。奈何人之心，頃刻有翻覆。
六國多好士，堂上各三千。所親苟不慎，禍福恒相因。李

園賦黃歌馮驩復田文種桃得秋實蒺藜徒刺人

六月二日至臨淮夜宿方文敏東軒

北斗分四時，怕星自昏曉。如何百年客，貴賤俱擾。酒
酣虛室臥，雨絕四山悄。道冥天地廣，身在風露表。六合
一何大，毫芒未為小。宅神惟寂，莫適意。忘纏繞。朱絲竟
誰賞，白髮今已少。永期江湘居，相親有魚鳥。

送張思廣歸平陽

十月天地閉，北風河已澌。送子千里道，太行極崔嵬。日
暮歸鳥疾，雪深蒼兕飢。酌以一卮酒，為浣身上衣。伐木
還重賦，白駒不可維。悠悠南北岐，惻々勞我思。

分題送友得忠孝廟

犬夫死殉國於道詎非宜烈々卞侍中忍顧王室危泉
獍敢為逆我師焉可支躍馬嬰其鋒以肉充虎飢苦戰
既不旋有子亦從之精忠貫日月未慙馬革屍至今石
頭下尚使行人悲鬱々冶城山秋風吹古祠送客遠相
過慷慨傷我懷當時諸老臣清談竟何為酌酒酌英魂
忠孝以為規

池河驛

早發紅心驛日暮宿池河百里無人烟狐兔馬前過山
明見野火溪淺通微波却立時躑躅前登益嵯峨北風
何蕭々塵埃衣上多下馬留信宿對酒一長歌

大槍嶺

巍々大槍嶺羊腸盤九曲深林野雉雖短草豺虎伏行
人疲不進憐々對僮僕下得仙居澗始後就平陸一株
羅浮蒼春深粲如玉五年悵不見今日開我目

滁陽驛

群山繞滁州城郭帶林壑豈惟居人稠遂使游子樂首
蒼青滿野羊馬盛幽朔固知
英雄主四方歸大略回視清流閔往事殊可薄新花寒
未開細雪春猶落且持一斗酒獨與故人酌

猛虎行

有虎有虎在彼中野高步風生何物敢侮以比直臣獨
立無與前稱長孺後載文舉亦有埋輪後聞破柱為時

所憚豺狼氣沮奈何今人使我懷古

李氏三節婦行并序

隴西李子平氏子茂德聘同郡張氏女年十八歸李氏生子庸甫六歲而寡舅姑憐其少也欲嫁之使左右風之即引刀欲斷髮以見志乃止茂德之弟仲德亦蚤卒其妻張氏年二十有八生子慶方也亦誓不再適弟希賢妻陳氏二十有四希賢卒時其子度方孕四月一門三婦以貞白聞而庸既長好學仕元至正間累官至同知濟南路總管府事推恩贈父將軍同知益都路總管府事隴西郡

伯母封隴西郡夫人再調閔襄宣慰階中奉大夫而夫人始卒年五十有六

大明革命洪武初辟庸為司農主簿四轉至嘉興府知府所至嚴而不殘夫人之教為多至今滄洲父老猶能道之可見家法有素而閔於世教之大如此為賦三婦行以備太史氏所采云

赫、隴西傑奕葉何光輝一門見三子不同鄉里兒三婦名家姝玉貌長蛾眉大婦居中堂夜織流黃機中婦具朝飡泉出江魚肥小婦二十餘金刀新製衣青衫與女蘿百歲欣相依未及白頭日雙鳳俄分飛入房洗粉

黛豈後施珠璣盤龍掩明鏡寡寤琴中悲生既不同室
死則須同歸鴻雁猶有信婦道安可違殘燈冬夜長素
月光徘徊共績還共語白玉當不灰有子官已高少壯
忽後衰丈夫少氣節恒懼白刃威女子乃如此鹽山同
魏

四月十日兒子翩翩來鳳陽留一月遣婦因令
早營草堂爰山下為止息之所云

老病不得歸獨處常戚戚二子江南來眼暗初末識生
常戒垂堂肌肉如雪白一月長途間海風吹盡黑買酒
為相勞問答向中夕迨漢陽簿春來新消息阿寧在
母傍頗知工翰墨艱難且撒棄條使沈憂釋所愧無定

居百歲半為客經營湏及早尚愛龍湫僻况近讀書臺
雲銷四山碧泉深出丹砂地冷多琥珀既非庄世資庶
遂陶阮逸良辰戒僮僕勿又南北五月方鬱蒸日氣
成霞赤出入非所宜川陸慎所歷惜別豈無淚向汝難
再滴秋江有鱸魚當掛吳淞席

述懷

浩蕩三十年如萍寄滄海起為太學師一日揚光彩迨
遞赴

中都送客紛雲謁名慚相國知禮感
親王待徘徊未得去忽後朱顏改
詔許江南歸青山草堂在放浪黃牛村猶瞻金馬門適

性詎非樂捫心空自論田翁四五人共忘鄉相尊把酒
醉爰基白石今猶存天寒落松影歲久生苔痕試求金
光草超然事出討依稀願况臺寤莫錢王道東門歎黃
犬稅駕胡不早長歌歸去來吾從鹿門老

清江貝先生詩集卷之二

清江貝先生詩集卷之三

七言古詩

夢遊秦望山歌送客歸越中

秦望何崔嵬削如青蓮開下臨七十二湖之浩蕩上接
三十六洞之縈迴夢中夜度浙江水輕如鶴背乘風來
欲求軒轅上天處白雲尚鎖燒丹臺徒知有弱水安可
覩蓬萊但聞松聲萬壑兮夾飛湍之喧極赤日慘淡而
無色復殷々之雄雷踰千盤子歷百折香爐玉筍左右
列山中二女問何遲桃花落盡燕支雪金鷄三叫失所
在惟想參差白銀之觀闕龍綯寄別淚三載猶未滅有
美一人兮佩珊瑚昨遊吳門復東還余願從而上下兮

叫安期於雲間回首隔千里可望不可攀

雪蓬小朵歌送奎方舟還靈鷲

蓬婆雪嶺高崔嵬橫絕青天飛鳥回山中小朵更奇峭
石作蓮花千葉開巨靈擘山斷山脈一峯夜向東南擲
千秋乾竺空有名萬里峨眉盡無色攢青疊翠分西湖
洞口白猿猶可呼咸和之年有慧理卓錫尚愛飛來孤
木杯高僧兩眉雪身如濁水青蓮潔緒經石上不知年
桂子年々落秋月

遊菩提山值雨宿存思庵

連山挿天危欲崩木客結構當千層我來看山風雨惡
入山喜見靈泉僧閉門留客共野飯風回雨絕清無蠅

酒酣熟寢喚不起夜深花落龕中燈軒轅已恐即韓愈
許汜未可譏陳登天明童僕催欲去却歎世故來相仍
重尋曲折恐蹉跌安得遠討閑支藤林開川豁見鳥下
山寒石峻愁猿騰呼舟獨返草堂路他日重來共翫甃

鳳皇山歌

大城周迴三百雉紫微閣對吳山起天目西來為鳳皇
蒼然不過錢唐水玉輦金輿北去賒行人折盡上陽花
杜鵑夜叫菖洪井燕子春歸蘇小家燕歸不識更新主
玉氣淒涼作風雨城南楊柳鬱金黃一束纖腰為誰舞

京口王節婦歌

大江如帶從天來金山焦山碧崔嵬風吹楊花度江去

妾心如山不可回憶昔移所天豈獨甘守節兩草方纏
綿那知中道訣玉琴不奏雙鴛鴦玉簫不吹雙鳳皇紡
績給朝暮蛾眉忽成霜蠨蛸網素壁燕子歸空梁生乖
同室處死期同穴藏鬱鬱山頭樹已見參天長白壁頭
惡玷白絲須惡染邊聲亂胡笳萬古悲蔡琰

玉山窟儡歌

玉山窟儡天下絕起伏進退皆天機巧如驚猿木杪墜
輕如快鷲峯尖飛流蘇帳下出新劇河梁古別傳依稀
黃龍磧裏胡雜語李陵臺前漢使歸當筵舞劍不辟容
頓足踏地爭牽衣玉簫金管靜如水西夏東山相是非
昔聞漢主出大漠七日始脫平城圍當時論功孰第一

木偶解走單于妃奇兵百萬竟何事將軍賜級增光輝
龍爭虎戰亦同幻尊中有酒君無違更呼左家雙鳳和
我曲玉斗碎落千珠璣

題子昂松樹障子歌蓋王成之所藏者紙尾云大
德八年正月廿八夜燈下書

吳興筆法兼鍾王不獨醉草過張旭既無河朔少年之
背拖又無深山羽人之退縮故人相遇今何夕銀燭吐
光如月白手寫青松障子歌百金一字無所惜何物小
兒憎嫵媚玉環飛燕皆傾國嗟我平生禿千兔夜寫蠅
頭愧無益王孫騎雀去不還日落太湖雲氣赤君家此
本世希有詞翰風流與之敵紛々真贖那足辯珣玦敢

厠連城壁勿同玉枕永和書一閱昭陵永相失

題王立本山水圖

我有愛山癖每欲名山去秦溪一日寄新圖款枕高堂
觀雲霧何年王宰留真跡青城天彭接太白金堂石室
猶可識大樹小樹參天直千盤百折分秋毫木客特與
行人遭一門通天劍閣險三峽漲雪瞿塘高小舟如鳥
爭入浦嘔啞卧聽雙鳴櫓拾遺近在浣花溪却面龍湫
結茅宇豺狼塞路何由通采芝亦有商山翁安得相從
向絕境振衣千仞來天風

甲辰七月十三日書所見

行人漸稀日已沒星墮西南大如月一道餘光夜不收

青天萬丈金蛇掣手

題趙仲穆畫馬

吾聞冀北之馬如雲照川谷八尺飛龍在天育灤河遠
幸翠華遲柳林大獵金鞍簇是時四海為一家東踰日
本西流沙拂郎近獻兩驕驥不數郭家獅子花公子前
身豈曹霸一馬真輕百金價黃金臺上倦為客白髮江
南隨意畫駟駟駟各不同飲泉齧草落筆工君不見
龍庭首宿與天遠何人更收青海驄

送王好問赴春官

君文室桑協宮徵我文瓦器不悅耳早隨舉子踏槐花
曲江走馬秋風裏院門魚鑰晨未開白袍鵠立三千士

風簷落筆誇先成食葉老蚕春乍起樗蒲三叫不作盧
白首讀書猶未已西河草動持干戈奎星無光作者死
五門下詔蒐遺材四月文場酣戰螳先生有志後先登
朱鳳一鳴瘖衆喙卞和誑楚空遭刖曹劇劫齊方雪耻
軟裘快馬入居庸得意看花麗春市上林賦就氣凌雲
我亦明年獻天子

送浙省都事曹德輔運糧北上

屯田未開歲未熟白粲一金纔一斛將軍初下山東城
使者後轉江南粟颶風五月西南回黃龍朱雀一時開
雷霆夜植海若死雲霧晝合天妃來黑洋北去五千里
直沽近接金河水內廷傳勅賜宮壺侍臣出報龍顏喜

送文溢周入京師

文郎氣如虹北上

九折坂

覽百步洪日

月回地底山河極雲中有書一萬言欲獻明光宮蚩尤
觸山折天柱百川亂流赤子苦龍驤未見下益州虎旅
猶聞駐靈武草白風騷二跋涉無乃勞驛駟識駿骨鸞
驚非允毛臨岐更酌酒飛雪落征袍何以致繾綣錦帶
昆吾刀

天冠法師鄧均谷禱雨歌

至正辛丑秋七月官河無舟死魚斃錢唐城中十萬室
鑿井深通海鱗穴海底九鳥朝並出流金鑠石氣愈烈
我無快刀斫旱魃構孽為妖降吳越老巫歌舞帝不悅

真宰之罪何當雪天冠法師與天通丹書鐵券呼龍公
石壇晝晦羣神降金支翠旗來半空舉杯擲地雷震溢
澍雨一日聲如硤三田白水禾芄兒童滿道歌年豐
百金不顧歸空同師豈瑣貪天功笑汝蜥蜴能為龍

張靜婉採蓮曲

妾長平康里能舞復能歌髻斜梳墮馬眉淺約彎蛾陌
上遊人顧門前俠客過塗黃初拜月拾翠欲凌波已知
一身重不受千金喚十五事秋娘十六歸羊侶願妾比
雙蓮為君朝暮鮮君能重妾綢繆意別起高樓大道邊
春乘油壁香車出夜入眠高樓下俯平湖澗
照妾濃粧并淡抹五月平湖水正深盪舟相逐起雙禽

莫學藕絲容易絕試將蓮子託同心

出塞曲

七星呈呈大將旗猛士百萬皆熊羆迤迤遠出鴈門塞
漢虜相見還相持軍中無糧殺牛馬夜得降人知衆寡
天山月黑潛度兵飛箭着人如雨下捷書明日報甘泉
死者白骨歸何年春風草綠秋風白魂魄為君長守邊
五嶽為城海為塹天下人當棄弓劍

野中吟

野中古墓何累累子孫已絕傍人悲送車百兩喧鼓吹
却憶出祖東門時墓前青春草沒墓下縱橫狐兔穴
昔年已見野人耕今年復見隣人發千年髑髏出黃土

翁仲無言泣寒雨何時故物搥成灰猶有玉釵留半股
田家行

田中八月紅稻熟田頭黃雀飛且啄去年出走不得收
今年父子田舍宿大婦小婦長裁衫夜起剪桑飼五蚕
不言画眉無寶鏡不恨梳頭無寶簪稻登場蚕在箔新
穀可春絲可絡賽神城南聽神語但祈無兵歲不苦

樞密院椽曹李至剛從帖木公守鮑羅一年詔回
京師遇風抵曹涇明年夏復蹈海北上詩以送之

白洋十月行人苦北風簸浪魚龍舞黑洋六月南風回
海客椎牛賽彭祖使者迨入帝畿連艘夜發迅如飛
六鰲尚戴三山起一鶴初從萬里歸張儀雖困猶存舌

置酒都門歌激烈丈夫得官貴少年腐儒窮經空白髮

白茅歌美華亭丞盛彥忠

山東未息馬山西尚揮戈急起州縣丁北開白茅河海
風裂面天雨雪山高水深不見月萬人鑿土如鑿山河
邊死者誰收骨白茅河成如白虹百里直與昆城通將
軍不待驅鬼工平地遂作魚龍宮問誰愛民如愛子華
亭盛侯古莫比昔去今還悲後喜非汝身為白茅鬼盛
侯之德河之水千古萬古流無已

送天台吳蟾友奉董宗師命主桐栢觀

天台之山四萬八千丈中有飛仙共來往東方未白天
雞號扶桑赤日三更上山人曾識玉蟾翁丹砂九返面

如童吹笙醉跨千年雀朝上崆峒暮廬霍葛洪井西松
樹老子晉臺下桃花落日邊人寄董師書別我却入天
台居麻姑相見已白髮蓬萊弱水人何如我亦張帆上
南斗餐霞有訣能相授青天更約借龍騎福地應知今
虎守

題子昂秋林早行圖

北上莫度河龍門如天誰敢過西遊莫趨蜀瞿塘如馬
誰敢觸大星未落日掛樹行人出門向何處日、西東
往後來青山不絕天涯路天涯路險更無窮破裘羸馬
怯秋風日高茅屋猶未起愧尔山中白髮翁

題趙子昂秋江漁艇圖

朝漁江之南暮漁江之北朝暮清江邊公侯不相識西
塞山前秋日微滄波浩蕩釣船歸老鬢何來一相就鐵
笛夜吹彭浪磯

小蓬壺歌

君不見蓬萊方丈三韓東上有飛樓湧閣何穹崇始知
九州更在赤縣外弱水不與人間通赤麟伏可擾白鳳
馴可籠瑤草四時碧桃花千歲紅盧敖一去已無跡燕
齊弟子徒相從鐵厓老人有仙骨七十後向雲間逢高
臺剪髮一曲出絕境銀河倒掛双玉虹自非夸娥之神
徒其處安得縮地如壺公讀書已去神禹穴獻賦不到
明光宮麻姑相遇急洒掃有酒莫使金樽空酒酣更呼

双童為我歌小海鐵笛雷怒來天風

醉芙蓉歎

蜀江芙蓉四十里花外樓臺夾江水蜀主龍舟八月來
日照千門錦雲起一朵依稀武都女雪色宮衣輕欲舉
已竊玄珠化水仙不同石鏡埋黃土朝妍夕態還相惱
傅粉塗黃俱草：春風入髓猶未蘇丹砂換骨應長好
淩波殿廢花亦殘江上秋深風雨寒武林城南偶識面
把酒共看賴玉盤十年流落雲間路欲尋舊賞知何處
芳心一點對斜陽脉、無言歲華暮

題趙處仁竹泉所

王孫寶玦已流落九馬不復歸長安梨園歌舞入殘夢

白屋無人空翠寒流泉汨、如流乳竹應笑歌成律呂
酒酣濯足望洞庭一片瀟湘隔秋雨有鳥有鳥來丹山
羽衣五色朱其冠人間腥腐不足飽食汝竹實飲汝湍
汝一出三千年

次韻鐵厓先生醉歌

先生愛酒稱酒仙清者為聖濁為賢清江三月百花合
江頭日坐流萍舫左携張好右李始紫檀双鳳鷗雞弦
傾家買酒且為樂老婦勿憂無酒錢白日西沒天東旋
秋霜入鏡何當玄蓬萊有路不可到祖龍已腐三重泉
何如快飲三萬日酒樓即起糟丘邊願持北斗挹東海
月落枕股樓頭眠

用蘇東坡先生韻賦竹軒

朝飢不飽肉朝寒忍看竹愛竹已成癖尚勝桃李俗食
筍莫生肥我癖無良豎籜龍未可斲頗怪錢奴癡竹下
哦詩空咀嚼月明夜半來笙鶴

孫孝子歌

亂兵夜入高郵城孤兒失母號且行城邊白日耀霜雪
負母獨出千人驚君不見鴟鴞生子食母肉人間更有
鴟鴞族兒知有母同死生慕我己廢猶能讀

白苧詞

江清月高夜未央芙蓉半白微有霜天魔小隊分兩行
胡姬更勸蒲萄漿酒酣回身入洞房金爐火煖藝都梁

願君朝出夜飲酒祝君千年萬年壽

行路難

古有行路難其詞非一近見楊伯謙之作則言
其易而不言其難也故申其義焉

采玉于閩河問君勃律何時過采珠鮫人室問君百粵
何時出珠玉歲久同為塵君胡重利不重身海有波缺
我楫山有石摧我輪行路難出門即羊腸何況萬里道
管叔危周公匡人仇魯叟尊有酒盤有壺鼓坎、歌烏
鳥海不可涉山不可徒路旁之人愛爾玉與珠行路難
我以為父安知非虎我以為兄安知非狼仰天悲歌泣
下沾裳

團扇詞

團扇何皎潔，誤方雪與月。雪當有時污，月亦有時缺。妾恨似天長，君恩成雨絕。昨夜秋風長，信來星河已見西。南回妾有新詞，詎堪寫夜撲流螢玉階下。

題兒雲林画

雲林先生老更迂，酒酣落筆元氣俱。滄洲赤縣隨意掃，不學徐熙沒骨圖。沉犀石帶波濤潤，石上烟梢勢千仞。參天古木蛟龍僵，赤葉已脫荆門霜。北風蕭蕭白日暮，相偶應知不相附。丹山之羽何時來，會待春色陰厓回。

折楊柳曲

楊柳何青，春風拂長路。朝送行人歸，暮送行人去。行

人南北無已時，折盡可憐無一枝。

題王叔明茅山圖

一峯插天三萬丈，衆峯旁聯不相讓。我行未盡天下奇，王宰寫山工異狀。雷轟勾曲雲蒼蒼，溧陽樹天高去鳥沒。日落行人度茅君，已千年浪憶燒丹處。猶疑風雨夜騎虎山頭遇，平生好山獨未歸。山中桃花如雨飛，相送采朮定何日，長向雲間瞻翠微。

秋夜長

夜長何漫漫，嫠婦歎且泣。落月當窓懸，迴風尋戶入。新愁不可道，古恨無時斷。吾將叫重華於江之南，蒼梧山高湘水滿。耿耿不寐起，觀東方溥彼白露降，而為霜碧。

草無情亦墮其芳安得不老既玄而蒼周公待旦思無
三王傷哉何為攬衣彷徨

遠別離

君不見青天之月三五缺三五滿惟有別離愁千秋萬
古何時約憶昨郎遠行城南柳飛絮迢迢出居延匹馬
隨都護今年得郎書猶在天山戍黃河入大荒白草迷
歸路夏日青無光胡風起朝暮不若路旁塵隨郎馬蹄
去妻居但守節郎去當封侯昔為白門燕雙棲江上樓
今作隴頭水嗚咽東西流時憑萬里夢夜到西梁州三
十六部猶未減良人邨得朝金闕可憐池上紫鴛鴦白
頭生死不相忘

白雪歌

昆侖火炎玉已灰神為六葉空峯開北風萬里寒門來
一夜吹落金銀臺填坑委谷何皚皚龍蛇僵縮虎豹哀
洪流不作龍門雷崆峒太白危欲摧將軍夜出猶未回
馬前一片大如杯山中野老居崔嵬酌酒以飽燒茅魁
安知銀屏翠箔圍白台但歌田有百穀年無災

董逃行

北風破肉胡兵利漢將驅人死胡地丈夫四出婦女號
長安十日城門閉夜入南山忍衝虎尚勝迢迢隨捕虜
城中有地盡蓬蒿城下何人種禾黍夜聞董逃四面歌
却思鄉土淚滂沱

雨中

江南正月如臘月花開未開春尚慳空中白雨急飛瀑
海上黑雲深抱山老夫閉門愁不出十日西窓聽蕭瑟
公卿鞞馬五更朝且獨高眠舒我膝銅雀破瓦不補天
哦詩強學號風蟬荒村無路竹雞喚載酒何人尋鄭虔
白頭為農計亦足棄書耕田買黃犢

正月廿九日楊鳴雀席上分韻得幾字

兩山昨夜風雨止水漲新痕沒沙尾黃知彭澤柳初芽
紅見武陵桃欲蕊老去逢春更惜春平生酒伴誰知己
白髮楊郎古奇士千金已散歸田里閉門留客為張筵
共喜一時成二美小兒行觴不計壽大兒割肉能操匕

冬殖下筍白於肪秋藕洗泥寒刺齒且須快意在今朝
况我中年會能幾亂離相見亦偶然海內交游半為鬼
顛狂豈顧傍人毀但恨白日無淹晷賦詩已覺無曹劉
罵客安知有程李坐中一雀能商歌、作連珠盡傾耳
風卷新聲入夜雲豪竹哀絲靜如水若為倒卷玻璃江
百尺高樓眠不起

丁一雀以疾止酒詩以誚之

一雀先生老耽酒夜飲一石朝五斗春來連月醉如泥
窺戶欣無太常婦杜康昨者忽為厲鸚鵡不薦談天口
結交昔在王侯間折節應羞兒女後地經攜李却垂淚
日落君山獨回首浪說北游年少時結束正似幽并兒

朔風破肉雪埋脛桃花駿馬如星馳天街下馬意氣盛
胡女起問郎君誰涼州蒲萄不論價龜茲感粟當筵吹
安知反覆一秋夢白髮漸滿紅顏衰吳王宮中走麋鹿
真娘墓下號狐狸出門兩足苦無力強與老儒時賦詩
君不見人間萬事隨流水別有乾坤醉鄉裏不如與君
更挾兩鴟夷李白陶潛共生死

穆陵行

至元中胡僧楊璉真伽利宋諸陵寶玉因倡妖
言惑主盡發殯宮之在會稽者斲理宗頂骨為
飲器璉敗歸內府九十年矣洪武二年正月
詔宣國公求之得於僧汝訥所乃命塋金陵聚寶

山立石以表之余感而賦詩一首

六陵草沒迷東西冬青花落陵上泥黑龍斲首作飲器
風雨空山魂夜啼當時直恐金棺腐鑿石通泉下深固
一聲白鴈度江來寶氣竟逐妖僧去金屋猶思宮女侍
玉衣無復祠官護可憐持比月氏王寧飼烏鳶及狐兔
真人歛見起江東鐵馬九月踰崆峒百年枯骨却南返
雨花臺下開幽宮流螢夜飛石虎殿江頭白塔今不見
人間萬事安可知杜宇聲中淚如霰

送定南宗佐四明大慈寺

伏龍羅漢無人識萬里如雲倏南北南北山川不可窮
雲去雲來自無跡朝辭鳳闕向東湖身乘一葉秋江蘆

東湖何處更求我
白雲去盡青山孤
開樓夜看山頭月
月色湖光射冰雪
四明太白相崢嶸
天地虛空一毫髮
老夫漂泊悲蓬根
相逢已契三生魂
人開火宅不可住
他年聰法來松門

清江貝先生詩集卷之三

清江貝先生詩集卷之四

青蘿山房歌并引

青蘿山在仙華之東蓋仙華為黃帝少女升天
處其山峭豎千仞而支別為青蘿今翰林學士
宋公景濂讀書其下因名其所曰青蘿山房絕
嶺之雲煙長溪之魚鳥皆接於耳目之間矣公
雖去此而猶眷之不忘間屬予賦予聞通意山
林者恒抗公侯之富而爭名市朝者恒譏處士
之介是皆得之此而失之彼惟公則不然昔之
藏也非必於山林安其時也今之仕也非必於
市朝行其道也故在青蘿不為損至於視草北

門亦不為加隱顯一概喧寂同趣孰得而窺其
際和公擅一代之文章所著多行于世而貯於
山房者必有光氣燭天與山之寶玉同不泯矣

遂為之歌曰

仙華之山何嶄絕兮挿天萬仞青相磨山勢東來忽平
地蜿蜒不絕為青蘿、、隱、如崩石夸娥負山、為
析欲叫軒轅向何處千古萬古空遺蹟玉女得道登雲
車凌空直上太清家雲車不復返落盡金荳花風淒、
兮又下兩行人恹兮子規語山回路盡或逢花知是青
蘿山人結茅宇山人紫府神仙客身今六十頭尚黑胸
蟠五色天女絲手煉五色神媧石絲可為君成天章石

可為君補天隙一朝寘之白玉堂青蘿寂、寒無光何
年借我白石床臥看明月來東方與君酌酒歌我曲君
歸早訪初平羊

題火龍烹茶圖并引

右火龍烹茶圖蓋寫古帝王事而對鱗落粉半
為好事者裂去獨有茶具及黃衣中使拱而立
者二人烹茶者一人曲江錢惟善定為唐之玄
宗豈嘗見其全歟然所謂玄宗者不知當勵精
圖治與張說一二大臣共樂、仙時邪抑其既
耄而暇於妃子時也特人物位置要非院工所
及未暇考譜以實之姑為賦詩一首題其左云

松聲忽作秋濤雄
銅龍吐火鱗甲紅
黃衣中使備玉食
泉出金沙甘露濃
春風一旗色尚活
建溪山人兩前掇
蓬萊殿裏沃焦餘
玉筵分沾侍臣渴
名花喚起海棠魂
細葉未數丁香根
宮中一日歌舞散
世上千秋圖畫存
開元盛事何人省
書生亦解誇雙井
空山掃葉燒破鐺
閉門讀書秋夜永

己酉清明

白紵衣鮮紫騮馬
清明酌酒梨花下
馬蹄一去不復來
梨花又見清明開
城南城北多新墓
日落啼鴉滿高樹
有酒誰澆千歲魂
子孫盡發濠州住
主人更勸金叵羅
阿蠻起舞玲瓏歌
生前不飲君如何

薤薤吟

清江老人腹空洞
白首談經耻無用
酒酣入水問河神
乞我黃薤三百甕
平生不羨將軍腹
冰壺先生真我族
山妻日晏具朝飧
露葉霜根甘勝肉
君不見海上臣族
如公侯詔書夜遣
官兵收

耕樂吟二首

南村北村喧僕姑
一雨已蘇百草枯
青稻如雲不見塗
木龍三伏閒在隅
桃源之樂人間無
阿翁哺雛妻餉夫
生來不作章句儒
但擬百斛量明珠
東家擊鮮大作社
西家酒熟携滿觚
詔書昨日五門下
天子盡賜今年租

近天不必城南杜范蠡湖頭一茅宇瓜生隴上已離
亘長南山少荒土出門豈識卿相尊對客何憂子孫魯
歲祈五風十日雨上無飛蝗下無虎四海從今盡中國
作歌且為歌洪武但存父子與君臣風俗當如結繩古
余避地千金圩屢游史史兩山酒酣興發賦詩一
首惜山中無賞音者空素亦同於瓦器耳始錄以
自娛云
神人夜割蓬萊股蒼然尚作青獅舞史基得道此飛騰
煙火千家自成塢前年盜起官軍下存者如星纔四五
我來欲置讀書床出入未愁穿猛虎山寒月黑無人聲
夾道長松作風雨佩環何日歸公主泉下銅棺閱千古

石仆麒麟罷官守林宿鷓鴣聞鬼語苦耽勝槩惜殘年
共說當時悲老父錦綉池臺已零落田翁八十鋤新土
傷哉土俗尊巫覡伏臘荒祠涕簫鼓祠旁鑿井深不枯
雲氣隨龍有時吐試上崔嵬望沃洲直將培塿齊天姥
春前野桃渾欲放雪盡黃精亦堪煮興來起挾李長庚
重載琵琶雙玉女

海翁謠

海翁隨白鷗白鷗亦不驚千金散如土身與白鷗輕問
翁甲子翁但笑人間豈識安期生祖龍一別阜鄉晚已
見六鰲脊腐三山傾天空潮落夜如冰月色下照珠宮
明麻姑到家急汛掃桃核酌酒為勸王方平

壬子春二月既望素君子材拈余重游岷山遂燕
陸景遠氏來青堂與者丁一宦董祖南景遠父子
及余季子翱一觴一詠不啻蘭亭之會也酒半移
尊公主墓側而董海翁亦至子材遂大醉卧石上
不能起命兩童掖之登舟余與衆客至東山興盡
而返目賦一首以紀其事云

老夫一月不見山、癖無醫殊未瘳野桃作花已爛熳
故人約我山中游日車出海風雨收千巖萬壑清如秋
帝子何年上天去黃鳥歷、鳴相求來青堂上坐終日
飲酒况得公榮流金刀割鮮氣頗壯白日下地仍相留
酒酣長歌動左右詩成落筆蟠銀鉤平生快意在一適

放浪豈知公與侯玉臺王母自千劫海屋老人今幾籌
青春無價須秉燭明朝花落令人愁

題徐復初叅政驄馬圖

青驄萬里來安西五花滿身玉削蹄將軍大雪騎出塞
風鬃未洗龍城堆何人落筆通造化天上房星降中夜
朱衣老奚驚有神不獨開元數曹霸漢南漠北千帳空
將軍賜爵論邊功此馬豈與凡馬同解鞍落日從遠放
黃金臺高春草豐

吳山人詩

西江吳山人者讀書綴文尤通地理書劉貴道
葬兄之無後者山人乃指范蕭峰地既固且安遂

葬之以千金報山人却不顧曰但得天下名士
一詩足矣因持卷求余賦故作古詩一首貴道
今繇起居注出僉浙江按察司云

吳山人讀書不作章句儒西上玉笥觀匡廬尋龍經在
神莫閱金盃玉杯何處無負士哀者劉氏兄死無兒
惟有弟山人為卜范蕭峰水抱山回上田美紫荆一榮
復一枯岡頭日落啼老鳥百金報吳咲不顧一詩價重
双明珠君不見孫生瓜熟能供客指黃花洞前城山
空白雀今有村白雀南飛杳無踪

胡虔雪獵圖為徐復初賦

太古天驕宅幽朔平沙四面無城郭生兒豈識種禾黍

走狗呼鷹共為樂北風颺大雪濕越塹凌岡馬蹄急
弓開滿月不虛發赤豹玄熊號且立日暮兩狼歸掛鞍
燕支勸酒左右彈一時快意良不惡金刀割鮮行玉盤
君不見漢家天子獵四海塞下將軍歸奏凱青丘雲夢
何足誇猛虎長鯨肉俱醢

十月三日過梧桐江時官籍僕彥宅妻龐氏唐氏
自經感而賦之

天寒水清石齒白杏葉初黃豆花紫舞榭歌臺不見人
頭白烏啼月明裏當時豪俠傾五侯一榮一枯八十秋
綠珠亦解死金谷草露作淚無時流

奉化李公復祖母沈氏年二十生子七月而寡既

長沈為娶兄之女為婦生二子亦寡長即公達次
公後二母今皆已老號双節堂為賦一首

鳳翥鸞膠難續絃双龍鏡破難再圓阿婆二十已守節
新婦哭夫方少年大兒嬌啼母心苦小兒十月安知父
破窓風雨未早秋夜績燈前共相語山頭松柏摧為薪
山前翁仲亦成塵紅顏憔悴垂白髮生死不慚泉下人

郭忠恕出峡圖

巫峡何危哉夫拱如龍門禹治九州不得到此峡口水作
雷霆奔問汝江中人數日三已去我眉五月銷古雪灑
瀨堆深虎頭怒巫峡之險安可攀胡為吳樯楚柁日日
來往乎其間高堂中有如花顏銀屏翠箔青春間涉此

萬里道經年猶未還黃金不買死直欲高南山汝舟非
龍汝非虎鼉鼉出沒饒蛟舞前者已脫後者號江神無
情天又雨石峽巖子利刃攢一葉宛轉行千盤觀此魂
魄悸豈待杜宇夜叫猿聲酸安得鑿之盡平土萬古不
識風波苦

送近士霖歸天台

赤城雲氣神仙家千樹萬樹蟠桃花十二樓臺起花外
石門水長通胡麻當時劉郎亦草草出山却憶山中好
莫信丹丘日月長玉人已共桃花老山空水流雲自飛
劉郎看花須早歸

送車定夫赴萊蕪簿

空青丹砂五所奇烏喙昌陽亦皆用赤城車子玉峯孫
年過四十猶未貢南宮昨日獻文詞百族紛々見孤鳳
一官初試萊蕪邑古人今人差伯仲釜中有魚晨不爨
案上無螢夜猶誦尚思論道程朱後玉峯先生家該綜
一編大學正全書子復傳之四方共平生河神蓋百甕
豈望為郎食官俸迨々北上不可遲十月黃河雪先凍
老夫買酒無一錢作詩直比琅玕送

徐給事山水歌

給事中徐以文善山水嘗為禮部員外張惟中
作層巒疊嶂圖惟中求予題詩于上予久置篋
中竟為好事者持去乃賦長歌一首以復之云

吳門故人徐給事一水一山稱絕藝濃豪燥墨隨意成
位置非難在神氣大山積鍊青嶺岫小山起伏蛟龍蟠
中有百道噴薄之飛湍宛然坐我明星玉女下五月六
月松聲寒荆閔筆法自奇古未數画師楊契丹仙家樓
臺十二闌飯煮胡麻須可食采藥何人入少室讀書有
客居王官我游白下未得去五更出門雪滿鞍虛空翠
黛不復覽一日剪向高堂看員外張公尚文采身任南
宮志滄海李白已死今無詩卷示老夫增慷慨近來好
事復持去夢覺烟霞竟安在白宦夜怨清猿悲山中春
老歸何時寫我平生有聲画債君太古無聲詩

精衛憤



原件短缺

定海漕戶夏文德元至大四年夏運粟赴京師
其子永慶侍行抵河間海津鎮文德墮水永慶
奮身入水中挽父衣出波面枕工提戟鉤其衣
得不死永慶浮沉洪濤力弗支而溺時年二十
一太史危素為傳余讀而悲之為賦精衛憤一首
尔登太行莫涉滄海水天吳九首馬一角白浪崩山颶
風起精衛萬古長嘶冤無人為汝箋天門孝子亦何辜
死掛扶桑根願啣西山石朝飛暮飛折兩翼西山石盡
海不極月黑珠宮閔魂魄不歸思可已尔登太行
莫涉滄海水

秋露軒一首為馬本道賦

張繼善寄桃源圖曰賦詩一首

張生寄我桃源圖桃源有路歸何日高堂坐見武陵溪
犬吠雞鳴猶髣髴雲氣挾山欲行山窮水闊桃花明
仙家只在流水外世上無人知姓名一日花間問漁者
山河百二如崩瓦赤帝西來祖龍死復見同糟有三馬
太康去秦六百秋子孫生長不知憂高顏黃綺亦何事
白髮出侍東宮游龍爭虎戰俱寂莫絕境空存已非昨
種桃何必指秦人春到花開又花落

鳳皇臺懷古

鳳皇臺前山色古鳳皇已去今平土雕甍繡柱非昔時
月白連營宿貔貅登高四顧何壯哉金陵形勝自天開

酒星不見李太白何人與傾三百杯拒霜卷紅秋草綠
尚想英雄起相逐山河萬古一金甌宮殿中天開玉燭
元嘉之事安足談瑯琊法亮終可慚葱佳氣今後見
黃旗紫蓋天東南當鑪小姬字桃葉咲我重來髮如雪
相逢莫惜千金裘五夜吹簫醉明月

雲中烈婦行并序

武州守雲中張奉先妻華氏年甫笄有古賢婦
風時舅沒姑老事之盡禮宗族稱之生子亨
娶錙均祥女頗涉書史至正戊申秋閏七月蕃
將竹貞為亂寇掠雲中婦姑匿複壁間為遊卒
所得驅迫以前華氏厲聲謂卒曰我張奉先妻

也驅我安之必死於是復謂婦曰汝年少將若
何婦曰嘗聞忠臣烈女之事已審寧就辱乎姑
曰欲經無索欲刎無刃婦曰賊可激而怒也遂
大罵不絕卒怒殺華氏錙不為動聲氣益厲又
殺之姑年四十有五婦年二十有一余聞而壯
之作烈婦行

出門何匆、姑行婦乃泣蕭條百里外但見旌旗紅東
家破柱索珠玉西家夫死無人哭鳳皇中道忽相失豺
虎滿城誰敢觸仰天、高跼地無泉白牙如雪馬屯塞
川乍可玉碎寧能瓦全有人還共悲妾死猶生年雲中
之英雪峯萬仞同嶄然

題倪雲林木石

東海兒廷十年別昨日朱顏今白髮作詩作畫猶未休
酒後揮毫見三絕綠江白屋知幾家春天古木僵龍蛇
蒼皮半死或垂癭赤葉未脫都成花我知用心亦獨苦
史庸奴焉足數英華已剝餘本根老氣尚存冰雪古

毛女辭二解

一葉為衣双足赤何年入山不火食宮中歌舞猶能憶
猶能憶空徘徊白日晚阿房灰

鳳皇釵脫烏雲鞞紅葉花鮮還自把朝暮南山下
南山下千萬年不采藥能神仙

題山水四景

雨前雨後花滿川春光浩蕩殊可憐山人日高眠不起
勸酒提壺落紅裏

青林五月不知暑玉女晒衣中夜雨客至清談酒更添
白楊梅熟薦吳鹽

田家酒熟當早歸天氣漸涼催授衣一夜西風破霜蕊
芳菲不共芙蓉死

天雲漠漠四野低火山小山玉笋齊春還何處尋消息
花發枝南與枝北

洪武八年三月奉

旨分教中都生自龍江至臨淮凡十日為賦長謠一
首以紀山川風景云

三月金陵別匆々催夜發無處不傷春楊花半江雪海
水忽成潮奔流亦西迴行人度江去何日金陵來可愛
焦山孤直對妙高臺天遣神鰲戴拳石青蓮一朵龍宮
開兩足南風生五兩楚柁吳檣競來往海門雁陣入雲
飛甍社蠶帆迎月上信宿過淮陰不見淮陰祠將軍竟
為兒女詐空憶釣魚城下時行々泗州近岸有鍊佛古
水妃泉下伏猶疑作雷雨平生不出戶焉知天下奇前
瞻鳳陽城宮殿起參差兩都未足論天啓萬年基四方
此會同車馬填九遠苦酒能寬憂酌酒日賦詩遠遊頗
快意白髮羞成絲悵望芳草綠祗合歸樵牧明年上疏
當乞身葛洪井西鏡湖曲

桃核杯歌

鍊崖楊先生桃核杯歌序稱元初丘長生醉卧
三日不起世祖候之時方醒曰臣侍西王母燕
食臣桃一枚因出手中核裂為二杯一以獻上
一留長春宮余切怪之而江南野史紀蜀道士
王回嘗進桃核杯於其主云得之陳希夷所或
者假之為丘長生事乎而先生未之攷也道家
虛誕亦不足論特愛其詩有神珠脫胎日月破
鬼斧鑿竅乾坤開之語可謂巧於詠物者矣因
賡一首而主於王回為言蓋以傳載有所據云
度索之山有桃屈蟠千里兮結子輪囷大如甕天上惟

清江詩四
聞方朔偷人間不許劉郎種何年阿母燕雲臺食桃戲
作鴛鴦杯道士王回獻闕下缺月夜墮青天來玉杯未
辨新垣詐學士銀杯一時化安知別有蓬萊物百斛蒲
萄向君瀉鸞歌鳳舞在君前酌此可以求神仙山中看
花試挾双窈窕一醒一醉三千年

題華山圖

太華五千仞石色青如苔嶄然表西極肇自鴻濛開河
流破石雷霆激父老空談巨靈跡山寒五月疑清秋鳥
飛不過仙掌側我欲上凌羽客雲臺問錢鎖高縣猶可
攀千葉池蓮食之久不死明星玉女相往還相往還人
間萬劫總一息峯頭大咲驚下方日落咸陽秋草碧

贈乘槎客

六月淮南不知暑閉門日風和雨乘槎仙客何處來
把酒張燈連夜語酒酣示我措機石曾到天河見河鼓
人間倏忽三千秋弱水三枯海鰲腐吳爭越戰空陳迹
山繞錢塘作龍虎柳外樓臺十萬戶太平重自南朝數
吳娘玉面勝梨花鮮向尊前胡旋舞樂極哀來泪相續
城郭秋深半禾黍內前樹老啼寒鴉山月無情照今古
白首相看亦偶然忘形何必論賓主天為酒星地酒仙
麒麟將相皆黃土約我他年一櫂歸西湖煙浪送漁父

李將軍歌

漢家李廣舊無雙年少提兵飛度江黃石素書心已授

龍文赤鼎手能扛不作諸生自辛苦千金結客輕如土
朝呼野外黃頭鵠夜殺山中雪毛虎

天子詔書開四夷五年出塞事征西三冬冰雪斂人肉
萬里關山辟馬蹄今日相看鳳陽道綉袍換酒情偏好
虎符金印未未遲鍊硯毛錐吾已老豪俠平生感慨多
尊前擊劍起高歌定知班固文章在為勒燕然示不磨

題董源寒林重汀圖

天下画師無董源學者紛々工水石雲山萬里出巴陵
白首淮南見真蹟亂石平坡淨無土松根裂石蟠龍虎
偃蓋千年飽雪霜深林六月藏風雨江上村墟何處入
浮空遠黛蛾眉渥漁人日暮各已歸小舟如鳧落潮急

我昔西清嘗看画南唐此本千金價坐移絕境在雲間
月出霜猿啼後夜薄游未掛吳淞帆令我一夕思江南
安得買田築室幽絕境開窓日日分晴嵐

余客雲間邵公筠各所暇日觀画西清庵而董源寒
林重汀為第一筠谷出入必寘之左右未常舍去累
求余題而未暇也後十年至

中都其子麟携以過成均曰先人嘗言必得先生奇
文章與此圖爭蒼古可也敢重請焉于是賦詩一首
謹書于左惜筠谷既沒而不及見之豈勝今昔之感哉

題趙子昂松石脩篁圖

白髮王孫老蒟門逢人只說山中趣酒酣落筆有天機

寫作陰厓百年樹一株偃蹇龍蛇影繞屋風聲三伏冷
流脂入地成虎兔死骨經雷縮人瘦森々竹石俱蒼然
一日坐我天姥前王孫跨崔歸何年山空月明啼杜鵑

太行山謠送新用中歸潞州

太行之山包燕跨晉兮拔地千仞誰能踰天何不鑿羊
腸九折坂使人萬古方駕而長驅山寒六月積水雪窮
獷恠鳥左右時相呼故人玉女泉頭居北上豈不愁崎
嶇翔風吹沙不見塗青天茫茫飛鳥孤我歌短歌傾酒
壺勿言太行險人間之險何時無

次韻荅王蘊德紀善雨中見寄

老夫三月不出門懶性有如嵇仲夜

聖明遇物先采擢枯槁於時亦沾洒病駒只合中野棄
寒雀寧思上林下印常不啓信官間書亦慵耽送客假
淮南六月如早秋未脫吳綾頗相訝白雨三更滄海立
黃河一道青天瀉池翻紅艷落蓮衣石長綠文成藻藉
姑惡時鳴父老憂鬼車夜過兒童怕空懷南巷人相遠
豈有東家馬堪借百錢沽酒愧餅空斗未如珠抱衾賣
已慙不作子虛賦尚託端居廣文舍隱几南窓亦自高
驅車九陌知誰暇識字終非揚子博題詩誤許曹劉亞
但覓丹砂苦未成久知白髮邴能化兩峯絕境可誅茅
何處良田足甘蔗赤城仙子玉符孫双壁今傾鳳臺價
楚筵設醴未應忘齊門鼓瑟空遭罵時看新學氣如虹

病送殘年內銷勝投劫終當去石門日斜田父茅簷話

日苦短辭九章

日苦短夜何長蟋蟀悲鳴在北堂白露下河漢明叶黃
姑織女東西望撫雲和薦清觴同心胡為各一方麟有
趾鳳有章蒼姬感之國乃昌世之微佞為良鈞利一割
投干將悅巧辭墮大防蟾蜍食桂靡斃棄聖去魯軒遊
梁道既杳鑿徒俵昔少壯令老蒼朝榮暮歇同薜英叶
胡不歸阻異鄉孰假以翼今高翔

題海山秋曉便面


巫子門前吹颶風一杯瀛海白浮空周回已吞赤縣小
浩蕩直與天河通方壺員嶠不可見弱水更在三韓東

無人鞭石為梁跨萬里下拾明月龍王宮金雞三叫呼
客夢日車夜衮波濤紅樓居之人起相顧白玉窻戶光
曛我願羲和停六龍豈不能長懸照下土朝東暮西
使人成老翁至今累野英悲英雄六龍為我駐光彩
千古萬古游無窮

孤松圖

我眉古松寒不死曾見仙人三洗髓霜摧兩剝雷震餘
千尺老蛟鱗甲紫城南桃花千萬株亂後一株今亦無
長身獨立何偃蹇正直自是神明扶

Handwritten text in vertical columns, likely bleed-through from the reverse side of the page. The characters are faint and difficult to decipher.



Small handwritten characters or a mark located at the bottom right corner of the page.

卷之四